



Cov Lus Nug Uas Nquag Nug Txog Cov Lus Qhia Hais Txog Kev Rov Qhib Dua Zeeg Sij Hawm Ob

Cov Khw Noj Mov, Cov Chaw Haus Dej Haus Cawv, Cov Chaw Cub Cawv, Cov Chaw Cub Npias, Cov Chaw Sib Tw Haus Dej Haus Cawv, Cov Chav Saj Cawv thiab Cov Chav Lim Cawv *(Raug kho dua tshiab 9-2-2020)*

Hauv qab no yog cov lus teb rau cov lus nug uas nquag nug (frequently asked questions) txog Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) Cov Lus Qhia Hais Txog Kev Rov Qhib Dua Zeeg Sij Hawm Ob: Cov Lus Qhia Xab Phaub Rau Cov Khw Noj Mov, Cov Chaw Haus Dej Haus Cawv, Cov Chaw Cub Cawv, Cov Chaw Cub Npias, Cov Chaw Sib Tw Haus Dej Haus Cawv, Cov Chav Saj Cawv thiab Cov Chav Lim Cawv ([cov lus qhia rau Khw Noj Mov thiab Tsev Haus Dej Cawv Zeeg Sij Hawm Ob](#)). Cov lus qhia thiab cov lus nug uas nquag nug (frequently asked questions, FAQs) no tsuas siv tau rau cov chaw ua hauj lwm uas ua hauj lwm nyob rau hauv ib cheeb tsam nroog uas tau txais kev pom zoo rau Kev Rov Qhib Dua Zeeg Sij Hawm Ob nkaus xwb. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muab Cov Nqe Lus Uas Kheev Nug (Frequently Asked Questions, FAQs) no los pab ua kom zej tsoom nkag siab txog cov lus qhia, kom los teb tej lus nug ntawm cov muaj feem xyuam, thiab tshab txhais kom meej txog kev yuav siv cov lus qhia li cas nyob rau cov tej twb ntu tshwj xeeb. Cov lus nug uas nquag nug (frequently asked questions, FAQs) no kuj yuav raug kho dua tshiab yam sib quas ua ntu zus. Cov lus nug uas nquag nug (frequently asked questions, FAQs) no tsis yog yuav siv los mus hloov chaw rau cov lus qhia, tab sis mas yog siv los mus tshab txhais, muab kev pab ntxiv, thiab pab qhia ntxiv lub ntsiab lus kom meej tseeb ntawm cov lus qhia no.

Cov Chaw Ua Hauj Lwm

Q1: Puas tso cai rau cov khw noj mov ua tau cov koob tsheej xws li cov phav dim ua kev zoo siab rau kev kawm tiav thiab cov kev ua tshoob ua kos? Hom koob tsheej ntawd yuav tsum tau ua raws li cov lus qhia zoo li cas?

A1: Tso cai rau ua tau kawg, yog hais tias nws ua tus neeg ua hauj lwm tswj xyuas lub chaw thiab lub koob tsheej thiab uas raws li [Cov Lus Qhia Txog Kev Rov Qhib Dua Zeeg Sij Hawm Ob rau Cov Neeg Ua Hauj Lwm Tswj Xyuas tais diavLub Chaw Ua Si thiab Lub Koob Tsheej](#). Cov neeg ua hauj lwm tswj xyuas lub khw noj mov

yuav tsum tsis txhob qhib lub khw noj mov raws li ib txwm nyob rau tib lub sij hawm uas ua lub koob tsheej ntawd. Cov neeg ua hauj lwm tswj xyuas lub khw noj mov yuav tsum tu txhua thaj chaw ntawm lub chaw kom huv si ua ntej yuav rov qab qhib tom qab raug kaw thiab tu txhua thaj chaw kom huv si rau thaum ua cov koob tsheej.

Q2: Cov khw noj mov puas yuav tsum hais kom cov neeg qhua rau cov ntaub npog ntsej muag?

A2: Tag nrho cov khw noj mov yuav tsum tau ua raws li [Cov Lus Qhia Txog Kev Siv Daim Ntaub Npog Qhov Ncauj Qhov Ntswg, Daim Nab Kaj Npog Ntsej Muag, Daim Ntaub Npog Ntsej Muag Thoob Plaws Lub Xeev](#). Cov neeg qhua thiab cov neeg tuaj saib yuav tsum tau rau ib daim ntaub npog qhov ncauj qhov ntswg, daim ntaub npog ntsej muag los sis daim nab kaj npog ntsej muag thaum nyob rau hauv lub khw noj mov, tshwj tsis yog hais tias thaum tseem tab tom noj mov/tab tom haus dej los sis thaum tsis yog nyob rau hauv ib qhov chaw uas muaj kev sib tim ntsej muag ntawm zej tsoom uas muaj peev xwm txuag tau kev nyob kom sib nrug deb txog li rau (6) fij (feet) los sis deb dua ntawd.

Q3: Cov neeg ua hauj lwm rau ntawm txhua lub khw noj mov puas yuav tsum rau ntaub npog ntsej muag rau thaum Zeeg Sij Hawm Ob?

A3: Muaj. Tag nrho cov khw noj mov, cov chaw haus dej haus cawv, cov chaw cub cawv, cov chaw cub npias, cov chaw sib tw haus dej haus cawv, cov chaw saj cawv thiab cov chaw lim cawv yuav tsum tau hais kom cov neeg ua hauj lwm yuav tsum rau ib daim ntaub npog qhov ncauj qhov ntswg, daim ntaub npog ntsej muag los sis daim nab kaj npog ntsej muag raws li [Lub Oos Kas Saib Xyuas Kev Noj Qab Haus Huv Hauv Xeev Oregon \(Oregon Health Authority, OHA\) cov lus qhia](#). Tsis tas yuav rau daim ntaub npog ntsej muag rau thaum noj mov/haus dej los sis rau thaum tsis nyob rau ntawm ib lub chaw sab nrauv uas tuaj yeem caiv nyob sib nrug deb tau rau (6) fij (feet) los sis ntau dua ntawd.

Q4: Cov lus qhia rau cov koom haum ua si lom zem rau cov neeg laus nyob rau hauv Zeeg Sij Hawm Ob no yog zoo li cas?

A4: Cov neeg ua hauj hauv lub tsev haus cawv rau fab kev lom zem ntawm neeg loj yuav tsum tau ua raws li [Cov Lus Cob Qhia Txog Txhua Yam \(Thuaj Pais\) rau Cov Tswv Num](#), thiab [Cov Lus Qhia Txog Kev Siv Daim Ntaub Npog Qhov Ncauj Qhov Ntswg, Daim Nab Kaj Npog Ntsej Muag, Daim Ntaub Npog Ntsej Muag Thoob Plaws Lub Xeev](#), nyob ntawd seb lub tsev haus cawv ntawd nws nyob rau hauv lub cheeb tsum nroog twg. Yog hais tias cov tsev haus cawv rau fab kev lom zem ntawm neeg loj muab los sis muag khoom noj los sis cawv, lawv yuav tsum tau ua raws li [cov lus qhia rau Khw Noj Mov thiab Tsev Haus Dej Cawv Zeeg Sij Hawm Ob](#). Cov neeg laus ua si lom zem thiab lwm cov neeg ua hauj lwm, xam nrog rau cov neeg ua hauj lwm, cov neeg ua hauj lwm pab dawb thiab cov neeg cog lus ua hauj lwm nrog, yuav tsum nyob kom sib nrug deb tsawg kawg rau (6) fij (feet) ntawm lwm tus neeg thiab ntawm cov neeg qhua txhua lub sij hawm.

Q5: Cov neeg txhab dej caw puas yuav tsum rau hnab looj tes thaum lawv hliv dej cawv rau cov neeg qhua?

A5: Tsis looj. Li cas loj xij, cov neeg txhab dej caw yuav tsum tsis txhob siv tes tuav cov khoom noj los ntawm kev siv cov twj tais diav. Piv txwv, siv cov twj tais diav hais cov txuj lom xws li kua qaub los sis zaub cherries.

Q6: Cov khw noj mov npuv fej puas muaj peev xwm qhib rau thaum Zeeg Sij Hawm Ob tau?

A6: Tsis tau. Yeej tseem kaw tsis pub muaj cov kev ua hauj lwm muab kev pab cuam rau tus neeg qhua tus kheej, xam nrog rau cov khw noj mov npuv fej, cov rooj rau zaub mov noj li npuv fej (salad bars), cov tshuab tso dej soda thiab cov chaw tso dej haus nyob rau Zeeg Sij Hawm Ob. Tej zaum yuav pub qhib hom khw noj mov zoo li hom npuv fej tau tab sis cov neeg ua hauj lwm rau ntawm lub khw noj mov yuav tsum caiv lub cev nyob kom sib nruag deb ntawm cov neeg qhua thiab cov neeg ua hauj lwm.

Q7: Cov chaw ntxuav tes nyob sab nraum lub chaw puas yuav tsum muaj dej sov los sis dej txias txaus siv?

A7: Cov chaw ntxuav tes nyob sab nraum lub chaw tsis tas yuav muaj dej kub tab sis yuav tsum muaj tshuaj xab npum, dej thiab cov ntaub so tes.

Q8: Cov chaw hu nkauj puas raug tso cai qhib rau Zeeg Sij Hawm Ob?

A8: Muaj. Cov neeg ua hauj lwm hauv lub chaw hu nkauj yuav tsum tau ua raws li cov lus qhia rau [Cov Chaw Ua Kev Lom Zem Nyob Rau Sab Hauv Tsev thiab Sab Nraum Zoov](#) thiab, yog hais tias muaj, [cov lus qhia rau Khw Noj Mov thiab Tsev Haus Dej Cawv Zeeg Sij Hawm Ob](#). Cov neeg ua hauj lwm yuav tsum tsuag tshuaj thiab ntxuav txhua cov khoom suab, suav nrog lub mloog pob ntseg rau thaum cov pawg neeg tshiab yuav siv. Cov neeg ua hauj lwm hauv lub chaw hu nkauj yuav tsum tau ua raws li [Cov Lus Qhia Txog Kev Siv Daim Ntaub Npog Qhov Ncauj Qhov Ntswg, Daim Nab Kaj Npog Ntsej Muag, Daim Ntaub Npog Ntsej Muag Thoob Plaws Lub Xeev](#).

Q9: Cov qauv cai siv tshuaj rau cov pob tua phu thiab cov pa tua phu rau hauv Zeeg Sij Hawm Ob yog zoo li cas?

A9: Cov neeg ua hauj lwm ntawm lub pas dej ua luam dej ua si thiab cov chaw tua pob kom nkag qhov yuav tsum ua raws li cov lus qhia rau [Cov Chaw Ua Kev Lom Zem Nyob Rau Sab Hauv Tsev thiab Sab Nraum Zoov](#) thiab, yog hais tias muaj, [cov lus qhia rau Cov Khw Noj Mov thiab Cov Chaw Haus Dej Haus Cawv](#). Cov neeg ua hauj lwm yuav tsum tsuag tshuaj tua kab mob thiab tu ntxuav cov khoom uas koom siv, suav nrog cov pas tua, cov plevv ntsis pas tua thiab cob pob tua, rau thaum lwm pawg neeg yuav los siv dua.

Q10: Kuv lub khw lag luam muaj cov rooj ntau ping pong, thiab muaj chaw haus dej haus cawv thiab khw noj mov. Kuv puas muaj peev xwm qhib rau Zeeg Sij Hawm Ob los sis rau Zeeg Sij Hawm Ob?

A10: Hauv Zeeg Sij Hawm Ob, tej zaum lub tsev haus dej cawv thiab lub khw noj mov yuav raug rov qhib dua tau yog hais tias nws ua raws li cov lus qhia rau [Khw Noj Mov thiab Tsev Haus Dej Cawv Zeeg Sij Hawm Ob](#) yog hais tias koj kaw cov rooj kis las

ntaus ping pong. Hauv Zeeg Sij Hawm Ob, tej zaum koj yuav tuaj yeem qhib tau lub chaw kis las ntaus ping pong yog hais tias nws ua raws li cov lus qhia rau [Cov Chaw Ua Kev Lom Zem Nyob Rau Sab Hauv Tsev thiab Sab Nraum Zoov](#) thiab cov lus qhia rau [Cov Kis Las Rau Kev So Ua Si](#).

Q11: Yog ib lub khw muag khoom qhib ib chav muag khoom noj rau ntawm lawv kem nres tsheb uas muaj rooj zaum rau sab nraum tshav puam, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) puas hais kom siv cov lus qhia rau cov khw noj mov?

A11: Muaj. Lub laub (chaw) ntim khoom noj los yeej xam hais tias yog ib lub khw noj mov thiab yuav tsum tau ua raws li [cov lus qhia siv rau Cov Khw Noj Mov thiab Cov Chaw Haus Dej Cawv](#).

Q12: Cov lus qhia rau cov chaw tua pas (darts) thiab cov chaw pov phaj khwb (shuffleboard) zoo li cas?

A12: Puas tso cai qhib cov chaw tua pas (darts) thiab cov chaw pov phaj khwb (shuffleboard) rau Zeeg Sij Hawm Ob. Cov neeg ua hauj lwm rau ntawm cov chaw tua nkees (games) no yuav tsum tau ua raws li cov lus qhia rau [Cov Chaw Ua Kev Lom Zem Nyob Rau Sab Hauv Tsev thiab Sab Nraum Zoov](#) thiab, yog hais tias muaj, [cov lus qhia siv rau Cov Khw Noj Mov thiab Cov Chaw Haus Dej Cawv](#). Cov neeg ua hauj lwm yuav tsum tsuag tshuaj tua kab mob thiab tu txhua yam khoom uas koom siv ua ke xws li pas tua darts thiab cov tais siv rau ntawm shuffleboard, rau thaum lub sij hawm uas lwm pab neeg yuav nkag los ua.

Q13: Yog pom ib tug neeg qhua muaj cov yeeb yam mob ntawm Tus Kab Mob Khaus Viv-19 (COVID-19) tuaj rau hauv kuv lub khw noj mov kuv yuav tsum ua li cas? Kuv puas muaj peev xwm hais kom tus neeg ntawd tawm mus?

A13: Cov khw noj mov thiab chaw chaw haus dej haus cawv yuav tau tso [cov paib qhia](#) hais txog cov tsos mob ntawm Tus Kab Mob Khaus Viv-19 (COVID-19), hais kom cov neeg ua hauj lwm thiab cov neeg qhua uas muaj cov tsos mob nyob twj ywm hauv tsev, thiab sau qhia txog tias yuav tiv tauj rau leej twg yog hais tias lawv xav tau kev pab. Cov khw noj mov thiab cov chaw haus dej haus cawv yuav tsum sab laj nrog tus kws pab tswv yim txog cov cai tswj hwm uas tsis kam lees muab kev saib xyuas. Ib lub khw noj mov tsis muaj peev xwm tsis kam lees muab kev saib xyuas rau ib tug neeg twg uas vim yog ib haiv neeg, cev nqaij daim ntawv, txiv neeg los yog poj niam, kev coj li txiv neeg los sis coj li poj niam, kev ua li txiv neej los ua li poj niam, kev ntseeg, kev muaj peev xwm, los sis neeg xeeb txawm hauv lub teb chaws. Tus Kab Mob Khaus Viv-19 (COVID-19) tuaj yeem kis rau txhua tus neeg uas raug tus kab mob no, thiab txhua tus neeg tuaj yeem kis Tus Kab Mob Khaus Viv-19 (COVID-19) mus rau lwm tus neeg tau.

Q14: Cov chaw tsim ua cawv vais los sis cov chav saj cawv vais puas yuav tsum khaws tseg cov ntaub ntawv ntawm cov neeg qhua txhawm rau siv soj qab xyuas rau kis uas muaj ib tug neeg raug kuaj pom muaj tus kab mob?

A14: Tsis tas khaws. Cov khw noj mov, cov chaw haus dej haus cawv, cov chaw tsim ua npias, cov chaw tsim ua cawv, cov chaw tsim ua cawv vais, cov saj cawv vais thiab

cov chaw tsim ua cawv tsis tas yuav khaws neeg qhua tej ntaub ntawv siv sib txuas lus tseg txhawm rau kev soj qab xyuas.

Q15: Puas muaj peev xwm tso cai rau ib lub tshuab tsim ua dej qhib tau, los sis qhov ntawd raug xam tias yog cov chaw yus saib xyuas rau yus tus kheej thiab raug txwv?

A15: Lub chaw ntawm lub tshuab tsim ua dej yog hom hauj lwm yus saib xyuas rau yus tus kheej thiab tseem raug txwv tsis pub qhib.

Q16: Yog peb tso daim paib qhia rau ntawm lub tshuab hais tias “tsuas pub ib tus neeg nkag los tso dej tau ib tus neeg zuj zus xwb” los sis “thov ib lub khob tshiab hliv koj cov dej haus,” qhov ntawd puas tso cai tau?

A16: Tsis tau. Yeej tseem kaw tsis pub muaj cov kev ua hauj lwm muab kev pab cuam rau tus neeg qhua tus kheej, xam nrog rau cov khw noj mov npuv fej, cov rooj rau zaub mov noj li npuv fej (salad bars), cov tshuab tso dej soda thiab cov chaw tso dej haus nyob rau Zeeg Sij Hawm Ob.

Q17: Yog ib tug neeg ua hauj lwm hauv lub khw noj mov muaj cov yam ntxwv mob ntawm Tus Kab Mob Khaus Viv-19 (COVID-19) tus tswv num hauj lwm yauv ua li cas?

A17: Tus tswv num yuav tsum ua raws li [Cov Lus Cob Qhia Txog Txhua Yam \(Thuaj Pais\) rau Cov Tswv Num](#). Ib tus tswv num yuav tsum qhia rau cov neeg muaj mob kom nyob twj ywm rau hauv tsev los sis rov qab mus tsev yog lawv muaj mob rau thaum ua hauj lwm. Cov neeg ua hauj lwm yuav tsum tsis txhob tuaj ua hauj lwm yog tias lawv tau:

- Ua npaws (kev siv ib tus pas ntsuas txog qhov kub (sov) ntawm qhov ncauj).
- Lwm cov tsos mob xws li hnoos, ntuav los sis raws plab.

Yog pom ib tus neeg ua hauj lwm tuaj ua hauj lwm muaj cov tsos mob, los sis yog lawv muaj mob rau thaum tseem ua hauj lwm, cov tswv num yuav tsum muab tus neeg ua hauj lwm no faib cais tawm ntawm lwm cov neeg ua hauj lwm. Yuav tsum muab tus neeg ua hauj lwm uas muaj mob xa mus tsev kiag tam sim ntawd los sis yuav tsum nrhiav kev kho mob raws li qhov tsim nyog rau.

Cov tswv num yuav tsum nquag hu rau cov neeg ua hauj lwm kom nyob twj ywm rau hauv tsev thaum muaj mob, thiab ua kom ntseeg tau tias cov cai tswj hwm pub so thaum muaj mob es kom cov neeg ntawd thiaj muaj peev xwm ua tau yam zoo los tiv thaiv lawv cov neeg ua hauj lwm ua ke; npog lawv lub qhov ncauj thaum lawv hnoos thiab txham; thiab nquag ntxuav lawv ob txhais tes kom huv si.

Yog hais tias ib tus neeg ua hauj lwm raug tau Tus Kab Mob Khaus Viv-19 (COVID-19), cov twv num yuav tsum:

- Ua hauj lwm nrog feem saib xyuas kev noj qab haus huv rau pej xeem txhawm rau xam seb cov neeg ua hauj lwm leej twg tau nyob ze nrog, tau nyob ntev nrog tus neeg ua hauj lwm uas muaj mob no vim yuav ua rau lawv muaj pheed hmoo raug tau Tus Kab Mob Khaus Viv-19 (COVID-19).

- Tuav tswj tus neeg ua hauj lwm tej ntaub ntawv kho mob cia kom zoo mus raws li cov cai lij choj uas tsim nyog.

Q18: Puas yuav tsum tau ntsuas qhov kub ntawm tus neeg ua hauj lwm ua ntej txhua zeeg ua hauj lwm?

A18: Tsis tas yuav ntsuas qhov kub ntawm lub cev ua tej txhua zeeg ua hauj lwm, tab sis cov tswv num yuav tau nquag tshuaj xyuas kev noj qab haus huv (xws li., kuaj ntsuas qhov kub thiab tus tsos mob ntawm kev ua pa) los sis cov tsos mob uas raug hais qhia los ntawm cov neeg ua hauj lwm, yog txoj hauj lwm muaj feem ntsig txog thiab yuav tau ua raws li kev tseem ceeb ntawm lub khw lag luam.

Q19: Cov chaw haus dej haus cawv puas muaj peev xwm ua los sis yog tus tswv cuab ntawm cov koob tsheej Texas Hold'em, Bingo, los sis Bunco rau hauv Zeeg Sij Hawm Ib los sis Zeeg Sij Hawm Ob?

A19: Tsis tso rau qhib cov dej num (hauj lwm los sis kiv cab kas) no nyob rau Zeeg Sij Hawm Ib. Tsis pub qhib cov chaw ntaus phaib rau hauv Zeeg Sij Hawm Ob.

Q20: Tom qab tus neeg qhua mus lawm cov khw noj mov thiab cov chaw haus dej haus cawv yuav tsum tu cov rooj tog li cas?

A20: Kev ntxuav zaub mov lo ntawm tej tsev mov thiab “nraum qaum tsev” yuav tsum tau ua raws li [Xeev Oregon Tsab Cai Kev Tuav Tswj \(Oregon Administrative Rule, OAR\) hais txog Kev nyiam huv rau khoom noj \(FSR\) 333-150-0000](#). Hais txog thaj chaw “pem hauv ntej lub tsev”, Lub Chaw Tiv Thaiv Huab Cua Ib Puag Ncig Hauv Teb Chaws Mes Kas tau tso cai cia siv qee cov tshuaj ntxuav uas siv tiv thaiv tau zoo rau cov kab mob vais lav xws Tus Kab Mob Khaus Viv-19 (COVID-19). Tag nrho cov tshuaj uas ua tau raug raws li tus qauv cai raug muab tso rau [ntawm no](#). Tsis yog tag nrho txhua yam tshuaj tu ntxuav yuav raug tso cai siv tu rau ntawm tej npoo rau khoom noj thiab yuav tau muab yang thiab ntxuav kom huv raws li daim ntawv lo qhia. Saib ntawm tshooj ntawv “kev siv tshuaj tsuag tua kab mob” nyob ntawm daim ntawv lo ntawm yam tshuaj tu ntxuav thiab siv kom ntev raws li lub sij hawm qhia chwv tau thiab tov kom haum (cov tshuaj tu ntxuav tov xyaws cov dej) hauv tshooj ntawv no.

Q21: Cov qhua tsav tsheb nkag los yuav khoom noj puas tau rau daim ntaub npog ntsej muag?

A21: Yog, raws li hais hauv txoj cai [Cov Lus Qhia Siv Thoob Plaws Hauv Xeev Txog Kev Siv Ntaub Npog Qhov Ncauj Qhov Ntswg, Daim Thaiv Ntsej Muag, Daim Ntaub Npog Ntsej Muag](#), yog hais tias tus qhua ntawv tsis tuaj yeem nyob sib nrug li rau (6) fij (feet) ntawm nws lub tsheb thiaj lub qhov rais tsav tsheb yuav khoon, ces nws yuav tsum tau rau daim ntaub nog ntsej muag, daim ntaub npog qhov ncauj qhov ntswg, los sis daim ntaub thaiv ntsej muag.

Q22: Qhov kev txwv kom kaw kev lag luam thaum 10 teev tsaus ntuj yog siv rau cov noj hauv tsev xwb los yog siv rau cov tsav tsheb mus yuav ntawm qhov rais thiab?

A22: Qhov kev txwv kom kaw kev lag luam thaum 10 teev tsaus ntuj yog siv rau cov tuaj noj hauv tsev thiab sab nraum zoov nkaus xwb - tsis yog cov tsav tshab tuaj yuav ntawm qhov rais.

Q23: Nws muaj ntau qhov sib txawv pub rau cov neeg nkag coob tsawg rau kev noj mov sab hauv thiab sab nraum zoov. Lub ntsiab lus ntawm "chaw nyob sab nraum zoov" rau cov hom phiaj ntawm [cov lus qhia rau Khw Noj Mov thiab Tsev Haus Dej Cawv Zeeg Sij Hawm Ob yog dab tsi?](#)

A23: Hais txog lub hom phiaj [cov lus qhia rau Khw Noj Mov thiab Tsev Haus Dej Cawv Zeeg Sij Hawm Ob](#), "qhov chaw nyob sab nraum zoov" txhais tau hais tias yog qhib qhov chaw dav uas yuav muaj qhov chaw nyob ib ntus los sis ruaj khov, xws li chaw txuas tom ob sab tsev los sis ru tsev, ntev li ntawm qhov chaw muaj tsawg kawg 75% fuj qhov dav ntawm nws ob sab qhib kom muaj huab cua.

Kev Nyob Kom Sib Nrug Deb thiab Kev Pub Neeg Nyob Coob Tsawg Npaum Li Cas

Q1: Kev pab cuam txoog ntawm Cov Lus Qhia Rau Zeeg Sij Hawm Ob puas hais kom tsuas siv cov iav plexiglass (roj hmab acrylic)/cov khoom siv uas tsis phom sij los thaiv cais rau ntawm cov kem rooj zaum xwb los sis tej zaum yuav tau muab teeb thaiv rau ntawm cov rooj los sis cov chaw zaum uas nyob rau ntawm lub rooj es thiaj li ua rau cov pab pawg neeg los sis cov tib neeg tsis txhob nyob sib ze dua rau (6) fij (feet)?

A1: Cov lus qhia ntawm kev teeb tsa daim iav plexiglass thaiv cais rau ntawm txhua hom rooj zaum thiab rau ntawm cov chaw twv txiaj hauv vis dis aus (video lottery terminals). Qhov khoom thaiv lub cev ntawd yuav tsum yog ib qho khoom uas tu ntxuav kom huv si tau yooj yim thiab tsis phom sij, thiab yam tsawg li ib (1) fuj (foot) siab dua taub hau rau cov neeg qhua uas zaum thiab yam tsawg li peb (3) fij (feet) dav los sis yam tsawg dav li ib qho chaw zaum yog hais tias nws dav dua peb (3) fij (feet) lawm. Thov nco ntsoov hais tias cov khoom thaiv lub cev hloov chaw tsis tau rau qhov kev cai uas yuav tsum ua kom tau hais txog kev rau ib daim ntaub npog qhov ncauj qhov ntswg, daim nab kaj npog ntsej muag, los is daim ntaub npog ntsej muag raws li [Cov Lus Qhia Txog Kev Siv Daim Ntaub Npog Qhov Ncauj Qhov Ntswg, Daim Nab Kaj Npog Ntsej Muag, Daim Ntaub Npog Ntsej Muag Thoob Plaws Lub Xeev](#).

Q2: Cov lus qhia rau Lub Khw Noj Mov thiab Chaw Haus Dej Haus Cawv Rau Zeeg Sij Hawm Ob txwv tsis pub qhib tau, tshwj tsis yog muaj peev xwm ceev caiv kom nyob sib nrug deb tau rau fij, tab sis dhau ntawd ces yuav tau teeb cov iav kaj hloov rau – koj puas muaj peev xwm qhia tau kom tseeb?

A2: Cov neeg ua hauj lwm muaj ob feem kev xaiv sib txawv tso cai pub qhib cov chaw zaum haus dej haus cawv rau Zeeg Sij Hawm Ob. Tso cai lub chaw zaum haus dej haus cawv qhib tau yog lub rooj them nyij tig mus rau ib lub qhov rai los sis ib sab phab ntsa thiab yuav tsum caiv lub cev nyob kom sib nrug deb tau rau (6) fij (feet) ntawm lwm pawg neeg thiab/los sis tus neeg ua hauj lwm nyob sab tom qab

ntawm lub chaw haus dej haus cawv kom mus raws li cov lus qhia rau Zeeg Sij Hawm Ob. Los yog pub tso cai qhib lub chaw zaum haus dej haus cawv tau yog teeb tsa daim iav plexiglass (roj hmab acrylic) los sis lwm yam thaiv uas tsis nqus dej tau kom lub caiv lub cev tau mus raws li cov lus qhia rau Zeeg Sij Hawm Ob. Yuav tsum siv tej yam thaiv cais ntawm cov neeg ua hauj lwm thiab cov neeg qhua, zam rau kis yuav tau sib tham me ntsis (piv txwv, thaum xa yam khoom noj mus). Yog tsis muaj peev xwm ua raws li ob yam kev xaiv no, ces txwv tsis pub qhib chaw zaum haus dej haus cawv. Cov khoom thaiv lub cev hloov chaw tsis tau rau qhov kev cai uas yuav tsum ua kom tau hais txog kev rau ib daim ntaub npog qhov ncauj qhov ntswg, daim nab kaj npog ntsej muag, los is daim ntaub npog ntsej muag raws li [Cov Lus Qhia Txog Kev Siv Daim Ntaub Npog Qhov Ncauj Qhov Ntswg, Daim Nab Kaj Npog Ntsej Muag, Daim Ntaub Npog Ntsej Muag Thoob Plaws Lub Xeev](#).

Q3: Yuav tso cai cia cov neeg nkag los tau rau hauv lub khw noj mov tau puas tsawg leej?

A3: Nyob rau hauv Zeeg Sij Hawm Ob, ib lub khw noj mov/lub chaw kuj yuav muaj neeg coob txog 100 leej neeg nyob rau ntawm lub chaw ua si nyob rau sab hauv tsev los sis 250 leej neeg nyob rau ntawm lub chaw us si nyob rau sab nraum zoov, tsis txhob pub coob tshaj 250 leej neeg nyob rau ntawm lub chaw ua si nyob rau sab hauv tsev thiab lub chaw ua si nyob rau sab nraum zoov; los sis qhov coob tsawg ntawm cov neeg, xam nrog rau cov neeg ua hauj lwm tib si, raws li kev txiav txim siab txog qov ntim tau ntawm lub chaw (ko tawm puag ncig/kev pub neeg nyob coob tsawg npaum li cas), los yog tsawg dua ntawd, raws li tau piav qhia nyob rau hauv [Lub Oos Kas Saib Xyuas Kev Noj Qab Haus Huv Hauv Xeev Oregon \(Oregon Health Authority, OHA\) cov lus qhia txog Cov Kev Sib Sau Nyob Ua Ke](#).

Q4: Peb puas muaj peev xwm zaum ua ib pawg rau ntawm ib lub rooj noj mov tom hav zoov los sis ib lub rooj thauj pais?

A4: Tsis tau. Tsuas pub muaj neeg coob txog 10 leej neeg los sis tsawg dua ntawd nkaus xwb. Rau ntawm cov chaw zaum uas sib koom siv ua ke, tsis txhob cia cov pab pawg neeg/cov neeg qhua zaum ua ke rau ntawm tej chaw uas tsis tau raug xaiv rau cov neeg coob tuaj sib ntsib ua ke. Cov neeg hauv tib pab pawg neeg uas zaum rau ntawm tib lub rooj tsis tas yuav nyob kom sib nrug deb li rau (6) fij (feet).

Q5: Ib “pab pawg neeg” yog dab tsi?

A5: Ib pab pawg neeg yog hais txog ib pab pawg neeg uas tuaj ua ke los sis cov neeg uas raug xaiv cia tuaj sib koom txoos ua ke rau ntawm ib lub chaw.

Q6: Cov lus qhia siv rau cov rooj zaum raws ntawm ib sab kev mus los yog zoo li cas? Puas tso cai cia cov pab pawg neeg nyob sib ze dua rau (6) fij tau? Cov chaw seem uas nyob puas ntawm ntug kev - puas muaj peev xwm teeb cov rooj noj mov tau txawm tias nyob sib nrug deb tsis tshaj rau (6) fij (feet) ntawm ib sab ntug kev?

A6: Cov neeg qhua yuav tsum muaj peev xwm caiv nyob kom sib nrug deb li rau (6) fij (feet) ntawm lwm cov neeg uas tsis yog lawv ib pab pawg neeg. Qhov ntawd suav nrog cov neeg uas tej zaum taug kev mus los rau ntawm txoj kev los sis ib sab ntug

kev tib si. Yog ib lub khw muag khoom tsis tuaj yeem tswj kom nyob sib nrug deb tau tsawg kawg rau (6) fij (feet), zam rau kis sib tham sai sai (piv txwv tham xa cov khoom noj mus rau ntawm ib lub rooj). tej zaum tsuas cev tes nqa/mus xa xwb. Cov neeg ua hauj lwm thiab cov neeg qhua yuav tsum ua raws li cov lus qhia txog [Kev Siv Daim Ntaub Npog Qhov Ncauj Qhov Ntswg, Daim Nab Kaj Npog Ntsej Muag, Daim Ntaub Npog Ntsej Muag Thoob Plaws Lub Xeev](#). Qhov no siv rau ntawm cov chaw zaum uas nyob rau sab hauv tsev thiab sab nraum zoov tib si.

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Mavel Morales ntawm tus xov tooj 1-844-882-7889, 711 TTY los sis OHA.ADAModifications@dhsaha.state.or.us.